



Sámi allaskuvla

Sámi University of Applied Sciences

OAHPPOPLÁNA

Plánen, hutkáivuohta ja duddjon

15 oahppočuoggá, duodjefágalaš vuodđooahppu



1. OAHPPOOVTTADAGA NAMMA

Sámegillii: Plánen, hutkáivuohta ja duddjon
Dárogillii: Planlegging, kreativitet og duodji
Eaŋgalasgillii: Planning, Creativity and Duodji

2. OPPALAŠ DIEĐUT OAHPU BIRRA

- OAHPPOVTTADAGA KODA: DUO 105
- VIIDODAT: 15 oahppočuoggá
- OAHPU LÁGIDEAPMI: Sámi allaskuvllas ja neahta bokte

3. OAHPPOPROGRÁMMA GULLEVAŠVUOHTA

Oahppu lea duoji bachelorprográmma geatnegahttojuvvon duodjefágalaš vuodđooahppu. Dat sáhtá leat maidái doarjjafágan dahje válljenfágan eará bachelorprográmmain dahje eará oahpuin dan guoski sisabeassangáibádusaid- ja progrešuvdnahuksehusa eavttuiguin.

4. SISABEASSANGÁIBÁDUSAT

Obbalaš lohkaŋgelbbolašvuohta dahje reálagelbbolašvuohta. Sámegeiela gáibádusa sáhtá deavdit čuovvovaš vugiid mielde: Sámegeiella 1. dahje 2. giellan joatkkaskuvllas, Suoma bealde logahaga eatnigielladutkkus dahje guhkes amasgielladutkkus ja Ruota bealde Modersmål A, B ja C dahje dušše A ja B. Sámegeielagáibádusa sáhtá maid deavdit davvisámegiela, SAAL oahpuin, lohkanbadjeoahpuin 30 oč dahje vástideddjiin, dahje ceavzit sámegeiela geahččaleami, man Sámi allaskuvla lágida.

Duojis ohcci gii ii leat duoji bachelorprográmmas galgá duodaštit duodje- dahje dáidda- ja hábmenfágalaš gelbbolašvuođa, mii sáhtá leat fágabreava duojis, duodjeoahput duodjeskuvllas dahje eará vástideaddji duodjeoahppu. Ohcciin geain lea duddjonhárjaneapmi, galget duodaštussan buktit sisa 4-5 iešgudetlágan duoji.

5. OAHPAHUSGIELLA

Dábálaččat davvisámegiella, ja sáhtá leat maid eaŋgalasgiella.

6. SISDOALLU

Oahpus vuojulduvvat dasa, mo plánet, duddjot ja gaskkustit duoji. Oahppu fállá praktihkalaš ja teorehtalaš dieđu, mainna studeanta ovddida iežas hutkáivuođa ja viiddida iežas duodječehppodaga ja áddejumi. Oahpus ávkkástallat čuolmmaidčoavdinmetodaiguin, mat fáallet studentii reaidduid plánemii, hábmemii ja duddjomii. Oahpus suokkardallat hutkáivuođa duddjonproseassas.



7. OAHPPANJOKSOSAT

Dieđut ja gálggat:

Oahpu maŋŋá kandidáhtta

- dovdá čuolmmačoavdinmetodaid
- máhtá čilget iežas barganproseassas hutkáivuhtii ja estetihkkii laktáseaddji osiid
- máhtá árvvoštallat ja ákkastallat bargovugiid ja ávnnasválljemiid
- máhtá suokkardallat duoji estehtalaš ja hutkás čovdosiid
- máhtá ovdanbuktit iežas duodjeahtanuššama dujiid ja loggagirjji/portofolio dahje eará gaskkustanvuogi bokte

Gealbbut:

Oahpu maŋŋá kandidáhtta

- máhtá ákkastallat iežas duodjefágalaš välljejumiid
- máhtá gaskkustit fágalaš čuolmmaid ja bohtosiid sihke čálalaččat, njálmálaččat ja eará relevánta ovdanbuktinvugiiguin
- máhtá geavahit digitála ovdanbuktin reaidduid oassin iežas ovdanbuktimis

8. OAHPAHAN- JA OAHPPANVUOGIT

Duddjonbargobájit, logaldallamat, joavkobarggut, hárjehusat, oahppanportofolio, bagadallamat ja seminárat.

Oahpus lea bealli lágiduvvon oassi (duddjon, logaldallamat, bagadallamat, bargobájit, seminárat jna.) ja bealli iešheanálaš bargan (duddjon, lohkan, bargobihtáid čoavdin, reflekterema čállin jna.).

9. GÁIBÁDUSAT BEASSAT EKSÁMENII

Studeanta galgá leat oassálastán unnimustá 75 % lágiduvvon oahpus. Studeanta galgá ráhkadit oahppanportofolio oahpu áigge. Oahppokoordináhtor mearrida, beasságo studeanta eksámenii.

10. EKSÁMEN

Eksámen lea joavkobargu mearriduvvon fáttá siskkobealde mii bistá 3 vahku.

Árvvoštallan lea guovtti oasis:

1. 3 vahkkosaš praktihkalaš joavkoeksámen. Deaddu lea 80 % loahpalaš árvosánis.
2. Loahppaseminára joavkobargguiguin. Deaddu lea 20 % loahpalaš árvosánis.

Árvosánit addojuvvojit ECTS vuogádaga mielde, mas A lea buoremus árvosátni ja E lea vuolemus ceavzinárvosátni. F árvosátni mearkkaša ahte ii leat ceavzán. Muđui čujuhuvvo Sámi allaskuvlla loahpalaš árvvoštallan- ja eksámennjuolggadusaide

11. LEA GO PRIVATISTTAIN VEJOLAŠ VÁLDIT DÁN FÁGA/FÁTTÁ?

Ii leat.

12. KVALITEHTASIIHKKARASTIN

Čujuhuvvo Sámi allaskuvlla kvalitehtasihkkarastinvuogádahkii, ja makkár vejolašvuodát/geatnegasvuodát studeanttain lea árvvoštallat Sámi allaskuvlla oahppofálaldagaid ja bálvalusaid kvalitehta.

Studeantadásis oahppu árvvoštallojuvvo evaluerenčoahkkimis ja studeanttat devdet árvvoštallanskovi oahpu loahpahettiin. Ásahusdásis oahppu árvvoštallojuvvo studeantaárvvoštallamiid, eksámenraporttaid, sensorraporttaid ja fágareportta vuodul.

13. LOHKANMEARRI

Lohkanmearri lea sullii 200 siiddu mas leat mearriduvvon vuodđoteavsttat ja fágaoahpaheaddji árvalusat.

Dunfjeld, Maja 2006: Tjaalehtjimmie. Form og innehold i sørsamisk ornamentikk. Snåsa: Saemien Sijte. S.195 (1 s).

Guttorm, Gunvor 1993: Čoarvi muitala. Čoarvvi hápmi ja ivnnit niibeduddjomis. Oslo: Statens lærerhøgskole i forming/Sámi allaskuvla. S. 13– 21 (9 s).

Guttorm, Gunvor 1995: Ávnnas, hápmi ja hearva. Duodjeestetihkka. Girjjis: Cafe Boddu. Harald Gaski ja Jon T. Solbakk (doaim.). Kárášjohka: Davvi Girji

Gunvor Guttorm 2011: Hutkáivuohta, improvisašuvdna ja innovašuvdna kultuvrralaš ovdanbuktimis. Sámi diedalaš áigečála 1/2011, 3-17. Oažžunláhkáii maiddáii <http://site.uit.no/aigecala/sami-diedalas-aigecala-1-2011-guttorm> (16 s).

Lerdahl, Erik 2007: Slagkraft: håndbok i ideutvikling. Oslo: Gyldendal akademisk. (11–37, 55–77, 123–136; 62 s).

Lundström, Jan-Erik 2011: Kosmos árgabeaivvis. Girjjis: Broderade berättelser. Britta Marakatt-Labba (doaimm.) Kiruna: Koncentrat.

Thorpe, Ann 2000: Design för hållbar utveckling: ekologi, ekonomi, kultur. Stockholm: Raster. S. 6–71 (65 s).